



## IESUS AD PAPAM BENEDICTUM XVI:

« VATICANUS-SYNAGOGA » eadem hypocrisis... omnigena spurcitia.  
Fortitudinem habeas ad exercendam Sanctam Potestatem quam Tibi dedi  
atque ut a Vaticano discedas sicut Ego a Synagoga discessi.  
Petre Mi... Voco te ut Me sequaris quo nunc non vis quoniam partim  
novisti tribulationem magnam.

Epistula non obsignata scripta a Conchiglia ad Suam Sanctitatem Papam Benedictum XVI

Prot. 11.215 - 02.02.11  
Raccomandata R.R.

Die II mensis februarii anno MMXI - In Praesentatione Domini

*Dilecte Papa Benedicte XVI,*

*Ad Vos epistulam scribo ut Vobis donem Revelationes Iesu et Mariae quae ad  
Vos-Petrum pertinent:*

**Die II mensis februarii anno MMXI - 11.02 – Iesus sic locutus est**  
In Praesentatione Domini

“ En Ego ad te, Conchiglia...  
concede ut alloquar Petrum Meum per manum tuam  
utendo te... utendo te... utendo te.  
Petre... Petre mi...  
hodie dies magni momenti toti Christianitati  
et hanc diem elegi consulto ut tibi dicam:  
**HORA EST!**  
**MORARI IAM NON LICET!**  
Morari iam non potes!  
Ita...tibi declarandum est...  
ac Mecum, qui sum a dextris tuis, hypocrisim quae Vaticanum permeat diruere debes.  
Vaticanum dixi, nec Ecclesiam.  
Quid haec distinctio?Ad explanandum.  
Allocutus sum semper Ecclesiam Meam comprehendens et Vaticanum  
sed in summis suis Vaticanus praebuit et adhuc praebet  
se non esse atque nolle interesse Ecclesiae quae est Mea  
et cui Maria est Mater.  
Vaticanus est munimen invium cuilibet humana inspectioni,  
ac latibulum septem peccatorum capitalium et aliorum nefariorum facinorum.

*Ego autem Sum Ecclesia... cum omnibus filiis qui me diligunt  
et cotidie se immolant ad Me imitandum, testimonium de Me perhibentes  
atque eorum... est verum martyrium.*

*Ergo...*

*cum distinxerim Ecclesiam a Vaticano, iterum dico:*

*Petre, hora est explanare, quia in Ecclesia est maxima perturbatio  
propter Purpuratos Vaticani.*

*Petre...Petre...Petre...*

*quantum decus est huic nomini, verax quippe, sed improprium sententia.*

*Quanta superbia in eo qui dedit "abundantius" ubi Ego voluntarie non dedi.*

*Die isto volo explanare sententiam nominis tui*

*quia amo te atque Humilitatem doceo te*

*quia cum humiles estis ante conspectum Dei...magni estis ante conspectum Dei.*

*Quid de hominibus?*

*Qui intellegere debet, intelleget...alii non poterunt.*

*Petrus sicut «petra-rupes» quare firma ac valida estne?*

*Est...rupes valida...*

*sed Ego RUPEM VALIDAM repraesento, qui Sum Ecclesia.*

*Tu, Petre...Vicarius et legatus Meus in Terra, « lapis » es...*

*lapis quem elegi...lapis quem in manibus cum amore stringo.*

*Petre, attentus esto in hac figura quam tibi propono.*

*Ego Sum « DAVID » ...tu es « lapis » in Manibus Meis*

*et Vaticanus...latibulum septem peccatorum capitalium et aliorum nefariorum facinorum...*

*est ille « Goliath » caedendus.*

*Necesse est, Petre Mi! Aut nunc aut spatium ad hoc faciendum non habebis!*

*Fortitudinem habeas ad exercendam Sanctam Potestatem quam Tibi dedi*

*atque ut a Vaticano discedas sicut Ego a Synagoga discessi.*

*« VATICANUS-SYNAGOGA » eadem hypocrisis...omnigena spurcicia*

*Viri in candida et splendida veste a foris*

*sed in corde putridi et actis improbi...divitiarum et imperii cupidi.*

*Petre Mi*

*Voco te ut Me sequaris quo nunc non vis*

*quoniam partim novisti tribulationem magnam*

*tamen Voluntas Dei adimplenda est*

*ut Regnum Dei luceat corusca luce Sua in Plenitudine Caritatis.*

*Vestis quae Te investit...potens est ex Voluntate Mea*

*ideo Vestem cura et protege, sed Te omnibus aliis privilegiis exue.*

*atque a pharisaeis et scribis hodiernis discede.*

*Ostende mundo per hoc verae actum humilitatis*

*pulchritudinem Ecclesiae Iesu Christi, qui Ego Sum.*

*Noli retro respicere... ad dextram sinistramque ne spectes.*

*Tantummodo ante prospice.*

*quia Ego Sum ante te, et praecedo te ut rectam faciam semitam tuam.*

*Docilis esto, Petre...*

*fac ut possim icere lapidem qui ipse es adversus Goliath*

*quia tam multa potestate improbe utitur...*

*illa potestate quam etsi tentatus arcui a Me atque vici.*

*Petre Mi...*

*fac ut possim lapidem icere in Goliath...in Vaticanum*

*qui utitur divitiis et tam multis privilegiis sibi*

*neque pauperibus et esurientibus in omnibus terris.  
 Omnia mox corruent, Petre!  
 Pro certo habe mundum te videntem humilem et pauperem...velut destitutum,  
 accepturum te et crediturum esse tibi, eo quod Me agnoscat in te.  
 Haec est HORA MAGNIFICAT et potentes deponentur de sede  
 et humiles exaltabuntur.  
 Verus credens in Christo Iesu qui Ego Sum, non timet persecutionem  
 neque perdere animam suam ut testimonium perhibeat de Me.  
 Verus credens  
 non tacet ad vitam tranquillam ficta et falsa pace servandam inter homines...  
 mera hypocrisis est...  
 quia Ego docui dicere Est, Est... Non, Non.  
 Verus credens defert iniurias... audet clamare Veritatem Dei  
 quia humiles esse significat Veritatem dicere Deoque parere.  
 Petre Mi...Noli dubitare de his Verbis Meis  
 quae lacrimis...sanguine et vita constant huius filiae meae Conchiglia.  
 Circumspice penite...  
 ipse vides mundum errare.  
 Grex...populus quem commendavit Pastoribus...vobis Ecclesiae Meae  
 dispersus...desperatus...pauper...animo fracto...et esuriens est.  
 Et cum populus in his condicionibus versatur  
 amens fit propter intolerabilem dolorem corporis et animae.  
 Petre Mi...  
 mundus est in eo bivio de quo locutus sum ante.  
 Iam sero est ad agenda omnia  
 sed memento Petre, quia etiam una anima est mihi pretiosa.  
 Omni autem cui multum dedi, multum quaeram ab eo et ingens est responsabilitas tua  
 In hoc tempore saltus aetatis...  
 Regnum tuum est dolentissimum post hominum memoriam  
 quoniam designat et efficit mutationem  
 quae parat Proximum Adventum Meum in Gloria cum Matre Mea Maria,  
 Matre Dei et Ecclesiae.  
 Agedum, Petre Mi...  
 Ego sum tecum.  
 In Me confide.  
 Amo te et benedico te, Petre...lapis Mi  
 in Nomine Patris  
 Matris  
 et Filii  
 et Spiritus Sancti.  
 Amen. Amen. Amen.”*

**Die II mensis februarii anno MMXI- 11.25 - Maria Sanctissima sic locuta est**  
In Praesentatione Domini

*“Mater Maria sum, Conchiglia...  
Mihi afflicta et fatigata videris...valde fatigata.  
Maestus vultus tuus lacrimis cervical conspergit ac dubitas:  
« Valebitne Papa?Audaciamne inveniet Francisci?  
Valebitne se omnibus exuere  
coram oculis et oribus irridentibus stultorum atque atheorum?»  
Filia mea... Conchiglia mea...  
Pater Aeternus Sanctus et Omnipotens creavit Hominem liberum et perfectum.  
Infirmitas Hominis ex Primo Viro et omnibus post eum hominibus pendet.  
Omnes exercuerunt suam libertatem personalem.  
Ita ab origine est et adhuc est.  
Petrus... « lapis Iesu » ...  
potest facere aut non quae ei praecepta sunt.  
Ipse Petrus...sicut Petrus Primus! Si acceptabit.  
Nos omnes iam oramus pro eo.  
Nunc hora est vehementius orare.  
Caelum et Terra quam maxime in communionem esse debent  
Amo te Conchiglia... amo vos, filios meos.  
Parate simul Proximum Reditum Iesu qui erit mecum.”*

\*\*\*

*Dilecte Papa Benedicte XVI,*  
semper sum humiliter oboediens Vobis et Sanctae Ecclesiae Catholicae.  
Benedicat Vos Deus  
et Maria Divina, Nostra Domina Guadalupiana, Vos protegat  
in Nomine Patris 🌹  
Matris 🌹  
et Filii 🌹  
et Spiritus Sancti 🌹  
Amen.

*Conchiglia  
della Santissima Trinità*



**BENEDICTUS PP. XVI BINAS BENEDICTIONES APOSTOLICAS IMPERTIVIT :  
ET CONSOCIATIONI CUI NOMEN « MOVIMENTO D'AMORE SAN JUAN DIEGO »  
ET PRO CONCHIGLIA SANCTISSIMAE TRINITATIS**

**A.D. 2010**

---

**Animadvertendum est has Pontificis Benedictiones Apostolicas fere concedi coniugibus in die  
matrimonii sui pro modica oblatione in pretium membranae, tamen videntur primum  
in historia Ecclesiae istae Benedictiones Apostolicae publice ac gratis concedi absque oblatione  
in pretium membranae, viventi prophetissae quae adhuc suscipit Revelationes Sanctissimae  
Trinitatis et Mariae Sanctissimae et fundatrix est consociationis dicatae Mariae Sanctissimae  
Nostrae Dominae Guadalupianae, cui nomen “Movimento d’Amore San Juan Diego” ,  
ad defendendam Sanctam Ecclesiam cui Summus Pontifex praeest.**

**MOVIMENTO D'AMORE SAN JUAN DIEGO  
est totius Terrae consociatio cordium in quam omnes se adscribere possunt gratis**

---

**ADNOTATIO**

*Conchiglia della Santissima Trinità  
Movimento d'Amore San Juan Diego*

*latine  
latine*

*Concha Sanctissimae Trinitatis  
Consociatio Caritatis Sanctus Ioannes Didacus 5*